



# OMUKWETU

No 12

JUNI

1966

## EHIYO ENENE LYOMUWA

Luk. 14: 16-24.

EHIYO ndika lyOmuwa gwetu Jesus Kristus omuna gwa Kalunga, otali ithana aantu ayehe muuyuni ahe. Omuntu kehe ota ithanwa e ye kehupitho lyaana ya Kalunga. EHIYO ndika otali hiyile komwenyo gwa aluhe. Otekisti yetu otayi tu tseyithile oshituthi sha Mesiasa oshi na elaka ndika: Endelesa mbala, ila, Omuwa okwa hala egumbo lye li uudhe. Aanelago oomboka taa ka lya oshikwiila shoshituthi moshituthi moshilongo sha Kalunga. Aantu yamwe sho ya uvu ehiyo ndika, otaa ipopile nomaimbo gawo:— Oya mangwa, oya mangwa naa naa kiimpwiyu ngashi tayi landula mpa:

a) Oya mangwa komapya, ihe omapya gawo itaga pu nando taa dhi-ladhila ando nawa. Luk. 12: 16, 20-21.

b) Oya mangwa komalanditho, go itaga pu kushingitha. Jak. 5: 1-3.


c) Oya mangwa komadhiladhilo goondjokana, nando oondjokana oshinima shomasiku gamwe ageke manga omuntu e nomwenyo, kadhi shi okumanga omuntu naa naa, oshoka meyumuko lyaayapuki, aana ya Kalunga ihaa hokana no ihaa hokanwa, oshoka oyo ya fa aayengeli, Luk. 20:27-40.

EHIYO ndika kali na ondjele. Otali hiya kehe omushitwa muuyuni mbuka. Mulyo kamu na ekonda. Ohole ya Jesus yokuhupitha omuntu oyo tayi kongo omunandjo. Itali lyalyakanithwa kusha, shila ongoye owala to li fadhuka po. Ota ithana akuhe: "Ileni ileni koshituthi na ngoye oshitingili."

EHIYO ndika otali pula emanguluko lyomeni, omwenyo gu kale gwa taamba shili EHIYO lyomeni ha momakutsi gowala. Omulongwa gwa Jesus a taamba ehiyo ndika, oha kala nedhiladhilo ndika:

Omuwa, onda hala oku ku landula, ndi hiyile aakwetu muuyamba mboka woye.

Johannes Gweendama.



*Jesus a kuutumba e ta vululukwa pomuthima. Omukiintu omusamaria e ya okuteka a kumwa mokukundathana na Jesus. Jesus okwa tompele omukiintu oondjo dhe, oye nokwi itedhulula. Omukiintu sho a taamba ehiyo lya Jesus, okwa matuka nokwa ka hiya wo neigidho: "ILENI MU TALE OMULUMENTU NGUKA A LOMBWELE NDJE AYIHE MBYOKA NDA NINGA!"*



# OONTOKOLWA DHEPANGELONGERKI



## OMUKUETU

Juni 1966

### OTWA PUMBWA EHANGANO

Moshiwambo otu na omayeletumbulo nga: "Ondjamba yimwe ihayi gundula ontsi." "Omunwe gumwe ihagu itombola ona." "Okwaako kumwe ihaku iyadha kombunda," nosho omakwawo. Agehe otaga ti kutya, ngele ongoye awike, **ku vulu sha, ihe ngele one oyendji tamu longele kumwe, otamu pondola niikukutu.** Ano ehangan olyo alike tali vulu sha, ku wete naakuluwambo sho ye shi tumbula momayeletumbulo gawo? Inaa hokwa okakombo noludhi!

Otu na oshifo "Ehangano". Nale osha nyolelwa aanashilonga ayeke noye shi lesa. Oyendji yaa shi aanashilonga inaye shi tseya. Nuumvo oshifo shika otashi mwenyepalekwa. Osha kehe ngoka e shi hala. Ayehe momagumbo otaa pumbwa oshifo shika. Otashi landwa 15c mOwambo na 20c kUushimba. Ngele we shi hala, shi mbesitela kOshinyanyangidho kOniipa.

Tu hanganeni mehanganano limwe. Tu longeleni kumwe. Tutamekeni okuninga iigongi yehanganano nokulesha oshifo shoshene. Iinima yomevi lyetu oyo tayi kundathanwa moshifo shika ngashi:

- Iiniwe yongerki neliko lyomagumbo.
- Oshilonga shomambo.
- Iinima yomagumbo niipalutha.
- Nkene tu nokuzala oonguyo.
- Iinima yoondalanspota.
- Iilonga yomUushimba. Ngele aakwashiwana inaa pyokola iinima yomaandjawa, oya kotha natango. Ku pondola sha ngele ito longele kumwe na yakweni. "Uuhuku wokwiyengela ihau zi". Aakriste oyo naa kwate komeho mewiliko lyuuyelele wevangeli.

1

Epangelongerki otali pandula, sho ekwatho lyokufutila eilongo lyomusitagongalo Eino Amaambo lya ziminwa, notali indile ongongahanganano yaakwa-Lutheri yi mu futile ondjila ye. Ote ki ilonga Omuwa ngele e shi hala moskola yuuteolohi mu Minnesota, mu Amerika.

2

Epangelongerki lya lesa nepandulo ombapila yomusitagongalo Festus Ashipala mu Soomi, sho ta pandula ompito yokwilonga e yi mono. Epangelongekri otali pandula wo egongalo lya Pitäjänmäki, ndyoka lya taamba Festus a kale omuyakulwa gwalyo.

3

Epangelongerki lya gongalele mEngela eti-9/5/66, olya tokola omusitagongalo Asser Lihongo, omukavango, a katameke etsikiloilongo lye petameko lyomumvo tagu ya Kalunga ngele e shi hala, ngele tashi vulika kekwatho ndyoka lya fanekwa ku Mbimbelihanganano lyoku Soomi. Epangelongerki tali popile ehala lyokwilonga kwe li kale London. Oye te ki ilonga iinima yelundululo lyOmbimbeli nolyiinylwa yopakriste pawiliko lya Mbimbelihanganano lya Britania nolyiilongo....

## ETHIGATHANO LYOMAGONGALO MOONGALO DHOMUMVO 1965

Ngashi nde shi tumbula nale moshifo sha Malitsa shonomola 6, 1966 kutya, ethigathano lyoongalo adhihe otali ka landula komeho, nongashi we shi tegelele ethimbo ele okutala omagongalo gongerki yetu nkene ga kondjo mokugongela iimaliwa yoongalo dhomumvo 1965, otandi ku ulukile mpaka nkene omagongalo ga kondjo mokugongela oongalo dhomumvo 1965.

### ONDONGA UUKWANYAMA UUNINGININO OKAVANGO

	R		R		R		R
1 Oniipa	508	Engela	341	Okahao	574	Kuring-Kuru	187
2 Oshigambo	475	Onguediva	168	Nakayale	338	Mupini	110
3 Oshitayi	156	Kongo	167	Elim	273	Lupala	89
4 Onayena	150	Ongenga	142	Niimwandi	159	Mpungu	77
5 Olukonda	141	Ohalushu	130	Tshandi	147	.....	.....
6 Eheke	98	Ondobe	118	Onesi	112	.....	.....
7 Onyanya	96	Okalongo	110	Onangalo	110	.....	.....
8 Okaku	78	Endola	104	Etilyasa	104	.....	.....
9 Ontananga	64	Eenhana	80	Ogongo	89	.....	.....
10 Okankolo	36	Okatope	77	Onaanda	71	.....	.....
11 Omuntele	32	Edundja	72	.....	.....	.....	.....
12 .....	...	Omundaungilo	64	.....	.....	.....	.....
13 .....	...	Olupandu	61	.....	.....	.....	.....
Kumwe R 1834		R 1634		R 1977		R 463	

Paitayingerki oshi li ngeyi:

1 Oshitayingerki shUuninginino	R 1977
2 Oshitayingerki shOndonga	R 1834
3 Oshitayingerki shUukwanyama	R 1634
4 Oshitayingerki shOkavango	R 463

R 5808

Oongalo dha gongelwa miiwikembimbeli omolu etumo, ombakovangeli, oshihautovangeli, omizalo dhuusita na dhilwe..... R 2302

Ano oongalo adhihe dha gongelwa mongerki 1965 odha li R 8210  
Kalunga na yambeke aagandji ayehe. Otatu tseyitha moshifo tashi landula ethigathano lyomagongalo mokugandja iigandjuwa 1965 pa oopersenda.

M. Ngipandulua.



## JESUS, OMULUMENHU WOMAHEPEKO

Jes. 53.



*Muuwehame uunene ombinzi ya Jesus ya tika. Muyo oondjo dhetu adhihe odha dhimwa po.*

**Ovelishe 1.** -- Olye a itavela eudifo olo, twe li udifilwa nokwoko kOmwene okwa hololelwa lyelye?

**Ov. 2.** Ka li e na olupe ile ewapalo. Otwe mu mona, ndele ka li nondjelo twe i hokwa ngeno.

**Ov. 3.** Okwa li a dinwa, okwa li a efiwa kovanhu, omulumenhu womahepeko.

**Ov. 4.** Ndele oye okwe litwika oudu wetu nouyahame wetu okwe u humbata.

**Ov. 5.** Okwa ululwa molwomatimba etu, okwa nyanyaulilwa oulundé wetu. Ehandu ole mu hanga, opo tu kale nombili, otwa velulwa koipute yaye.

**Ov. 6.** Fye atushe otwa pukile twa fa eedi...., ndele Omwene okwe li twika omatimba etu.

**Ov. 7.** Okwa hepekwa eshi e liyandja mwene nde ina makula okanya kaye. Okwa twalwa ongodhi ya mwena.

**Ov. 8.** Okwa kufwa medu lovanamwenyo, ndele omolwomatimba ange.

**Ov. 10.** Osha wapalela Omwene oku mu nyanyaula.

**Ov. 11.** Ote litwike omatimba avo.

**Ov. 12.** Okwa humbata etimba lavo. Okwa ilikanena ovahepeki vaye. Owa koshwa tuu mohonde yaye?

### OTU NA ONGUNGA YEHAMBELELO

Mu Jesus Kristus otwa pewa omwenyo gwokuhambelela Kalunga. Mpaka pu na esindano, opo hapu uvika wo ehambelelo. Ehambelelo itali uvika mpoka pe nolugodhi nenge pe na ondjlakati. Ethikilo lyolyene olyo tuu hali gandja kutya, ohoni nenge ehambelelo.

Otu na okuhambelela, oshoka Kalunga oye omwanawa noku na esilohenda, ihe tu na okuhambelela wo ngele twa tseya kutya: Olugodhi mutse lwonyama nombepo, ombepo ya sindana, shika osho edhimopo lyoondjo neyogo lyevalululo. Okuulika ehambelelo ndika puuyelee, ongele tatu longo oshilonga shetumo.

### “SHOKA SHI LI MENI, OSHO HASHI YA KOMBANDA”

Patumbulo ndika otatu dhiladhila mpaka uuwanawa nuwinayi womuntu. Ngele momuntu omu na uuwinayi, owo ngaa tau ya kombanda. Ngele ishewe momuntu omu na uuwanawa, owo ngaa tau ya kombanda. Ngele tu tye, omuntu meni lye oye eno lyomakwega, nokombanda omakwega taga monika ko. Ngele oye omunye, nokombanda oombe ngaa tadhi ya ko.

Tu ipuleni tse yene. Ngele iinima mbika yi li meni lyomuntu oyo tayi ya kombanda, openi tayi pitile sho tayi zi meni yu uka kombanda? Uuwanawa nenge uuwinayi mboka u li meni lyomuntu otatu pitile mokana. Otatu pitile kelaka. Otatu pitile komayego.

### Ombili otai dulu okuuya

Ombili otai dulu okuuya apeshe. Oya hala okuuya apeshe diva noku. Omalwodi aeshe nde taa hulu po nde kape na vali umwe ta dulu okuninga oita.

Ovanhu ovo tava shingi oita otava ningwa mbela ngahelipi? Ombibeli otai ti kutya, otava handukilwa. Kalunga oye te ke va handukila. Kalunga ota ka tuma Jesus vali mounyuni. Eshi osha longekidwa nale. Onghe oto dulu okulombwela ovo ve hole omalwodi kutya, otava ka mona diva oudjuu.

Ndelene Jesus ota aluka mbela naini? Otwe shi shiiva ngahelipi kutya, ota aluka diva? Kape na ou ta shiiva onaini Jesus te uya, ndelene Ombibeli otai ti: Ngenge omaudu mahapu taa kwata ovanhu molupe limwe, shiiveni ealuko laye oli li popepi. Ngenge tamu udu omakakamo edu keembinga dedu, shiiveni Jesus ota aluka diva. Ngenge tamu mono oiponga tai holoka meendjila mokwenda kwovanhu, shiiveni Jesus ote uya diva. MuNahum 2:3-4 mwa tiwa: Ngenge tamu mono ovanhu tava endeleele mokwenda kwavo, shiiveni euyo la Jesus kali li vali kokule. Ngenge tamu mono eendunge tadi hapupala neendeleele ile mu wete oita tai hovele novanhu tava popi unene oita, shiiveni Jesus ote uya diva.

Tu na okulipula: Otwe lilongekida tuu okushakeneka Jesus? Ile ohatu longo osho Jesus ina hala tu longe pealuko laye? Eshi shi tilifa, osheshi oinima ei otai ningwa paife neendeleele. Mowambo yo otamu ningwa paife oiningwanima inene. Ngenge inatu diminwa po diva omanyono etu, ohatu ka handukilwa fiyo alushe. Ngenge hano Jesus ote uya diva, nena noita yo otai ka hula po diva.

Otau pitile komilungu. Otau pitile mwi. Otau pitithwa kiinima mbika, oshoka iilyo ayihe mbika ohayi kwathathana.

Mpaka tu tale, oshike tashi alukwa piilyo mbika? Ando u tameke okupanga, oshilyo shini po to panga tango? Elaka nenge ewi nenge omayego? Gumwe ta ti: Elaka, ihe eyamukulo ndika olya puka. Panga omutima, omwenyo, omadhiladhilo, oondunge nombepo. Omuntu shampa we mu panga ngaaka, nena nelaka newi nomayego nomilungu otadhi shituluka. Openi pu na oshipangelo shaa mbika? Ombinzi yOmuwa Jesus Kristus oyo ayike tayi vulu okuyoga po shika nokweta eshituluko lyolela.



# ONGONGAHANGANO YAAKWALUTHERI

Iimaliwa oyindji ya gandjiwa kOngongahangano yaakwaLutheri, oya tungitha OKANYOTHI okape komOnandjokwe. Ongongahangano ndjika oya gandja R635.000, ihe iimaliwa mbyoka ya longithwa metungo lyOKANYOTHI nkaka, oya konda po pomwaalu ngoka. OKANYOTHI oka egulukile iilonga yako eti-27/5/66.

OKANYOTHI olyo eha moka aasimba taa monene uunona. Nkoka okape komOnandjokwe oka dhenga pombanda taa! Ongulu ndjika onene yo yi nomukoka omule. Oyi na omala 19. Omala 5 gaamwali, oombelewa dhaapangi 2, oondjugo dhokuyoga iilongitho 2, uuwiyogelo 2, omala gokuvalala 2, ela lyokupungula (elimba) 1, okombitha 1 ela lyuunona wa pononwa 1 nuundjugo wokuya kondje 3.

Omaha oge li mo ga gwana nawa. Aantu yatatu taa vulu okuvala oshita moondjugo dhokuvalela. Aamwali 30 otaa yakulwa pethimbo limwe, ngele 5 taa tegelele na 25 mbokya vala. Mondjugo yimwe omu noombete 9 moondjugo mbali omu noombete 8 nishewe muyimwe mu noombete 2 nomonkwawo mu na 3. Aapangi aawambo 3 nosho wo aalongwapangi yokualitha. Ohaa kwathathana miilonga. Ope nomupangi omuSoomi wo. Uusiku hapu ningwa omalufu gokutonatela. Ope na wo aayakuli 5 yi ili noyi ili.

Ofuto yevalo R1.00, ofuto yokualitha mesiku kehe pamwe nombete niikulya oyo 10c. Aayenda taa pitikwa okutalela po aakwawo potundi 10-11. 30 ashike. Aapangi oye niilonga oyindji, onke ethimbo lyu uthwalokutalela po nali dhigininwe. Aasimba taye ya kokanyothi, taa etelele uukalata wawo. Mboka ye li manga metegelelo, otaa konakonwa natangomokanyothi okakulu metine moshiwike kehe.



*Ongulu ompe Okanyothi mOnandjokwe.*



*Kolumoho tu wete omukuluntu gwetungo A. Hartikainen, pokati omumbisofi L. Auala, ngoka a gongele iimaliwa yokutungitha nomutitatu kohulyo omutungi Julius Edward, taa kundathana etungo ndyoka.*




*Omutungi onkulungu Johannes Shiku, oyo ya tungu Okanyothi.*



## OYA KWATHA AAWAMBO



Omupangi omukuluntu Hilka Björn nosho wo Lusia Hamata, otaa popitha omukulukadhi Saima Shadjalale posheelo shongulu, mpoka oonakuthetwa taa taambelwa mo.



Aamwali oye li moombete mokanyothi okape.



Omukulukadhi Hileni Mateus, pOshitayi, okwa yakulwa mokanyothi lwotango sho a mono okamati, Katau.



Mongulu ndjika ompe tamu lala aavu yomavu gomukwau.

Monandjokwe omu na wo ongu-  
lu ndjika, noyo onene yi thike poyo-  
kanyothi. Oya tungithwa wo niimaliwa  
ya zi kOngongahangano yaakwaLuthe-  
ri. Oya tungwa nuunkulungu owindji.  
Aavu yomavu gomukwau ohaa  
lala muka, kehe gumwe peha lye li i-

kalela, opo yaa paathane oombuto. O-  
mupangi Aino Nousiainen na Viktoria  
Kanhalelo naayakuli yalwe, otaa yakula  
momukunda nguka. Osho tu na ngaa-  
ka omaha gokuyakulwa. Anuwa "waa  
pandula, noyaka."

Ongongahangano yaakwaLutheri  
otu na oku yi pandula tse aawambo,  
oshoka mOnandjokwe omu na wo o-  
matungo galwe omape ga tungwa nii-  
maliwa yOngongahangano. Omakwa-  
tho galwe wo haga zi kuyo notaga  
ka za natango kuyo, oga yambeke o-  
ngerki yetweni. Ngoka a kotha nata-  
ngo, shila oye awike inaa tseya ekwa-  
tho nuundjolowele aavali taye u pewa  
mokanyothi, shi vule okuvalela kegu-  
mbo. Iyaloo, omahala ga tya ngaaka  
tatu galongelwa tse aawambo. Ngele  
to ya mOnandjokwe, **okanyothi** okape  
oka tegama noshipangelo oshinene,  
ka gama kUukwanyamantu.



## ETEYO MEKOKA

Efiku eti-19 Mai 1966 otwa fikama pOniipa potundi onhihetatu yongula. Osheendo osha li shi na ovanhu vefike po -17. Otwa li noihauto ivali, shinene tashi shingwa ku tate Raimo Holopainen na shinini tashi shingwa komukulunhutumwa A.Eirola.

Potundi onhimulongo na imwe otwa fika pomukunda Ohamwiimbi. Eshi ola li oshoondaha yelondo efiku olo, otwa ninga omambo. Ovanhu vomukunda winya otava djuulukwa unene omambo. Manga tuu oshihautotashi kuu momufitu, voo otava tondeka ve ke li hakane opo hava ningilwa omambo. Onda pula umwenge osho hava ningi shito, nokwa nyamukula kutya, ohava ningilwa ngoo omambo ponhele oyo ndele haluhapu.

Otwa twikila nondjila yetu. Lwo-

pokati penya twa makela ngoo kanini nokufuda po. Komatangoletwa fika nee pongulu ya Kongo. Inatu kala poule weevili shiimba mbali. Otwa hanga nokuli ouvalelo wa longekidwa kumeme. O, ve tu kufa eloloko londjila. Tangi.

Konima yokulya otwa twikila ondjila yetu notwa fika onguloshi mEkokoka. Ekoka olo epya linene. To litale ndele ku wete kohulo yalo. Inda mombuwamhati, oto uhala to ende. Efiku olo otwa hanga ovayelegele vomEkoka ve uya okutalelwa po komupashukilishitaingerki I. Nhinda pamwe nomufita wovanyasha H. Dengeinge nomwevaengeliste wovanyasha W. Shangheta nomufitaongalo J. Hanjango. Ovo ova ninga ohungiiwa unene mokutwa omukumo ovayelegele novayakuli vavo.

## OKATUTHIPANDULO KOSHAKATI

Esiku eti-3 Iya Juni pwa ningwa okatuthipandulo petungo lyongulu ompe yongerki yetu yokOshakati omolwetungo sho Iya thiki poshakati shiilonga yetungo.

Mashilando oshipe shOkoshakati tamu tungwa ongulu yokukalamo kwawambo. Mongulu ndjika yongerki tamu ka tulwa ondjugo yokulesha noyokulilwa (leessaal en eetsaal) nosho wo oondjugo dhaayenda negumbo lyomusilishimpuyu gwoongulu. Ongulu ndjika oyi nelalakaneno lyokukala egumbo Iyaakriste yetu, unene Iyaamboka taa ka longa moshipangelo oshipe shokOshakati nolyaamboka taa ka tembukila mo moshilando oshipe. Komeho taku ka tungwa ongerki yoyene negumbo lyomusita wo. Ihe manga ongerki inaayi tungwa ongulu ndjika tayi tungwa ngashingeyi tayi yakula wo ngongerki, oshoka oondjugo dhayo mbali oonene dhi shi kulongithwa kumwe momalongelokalunga nomiigongi yilwe.

Mokatuthipandulo nkoka ka ningwa ngashingeyi mwa li mo Epangelongerki alihe nosho wo ongundu yaakadhona mboka taa dheulwa ya ninge aayakuli yomoshipangelo oshipe. Oyo naatungi ayehe oya hala okupandula Kalunga omolwegameno neyambeko Iya li Iya landula ilonga yetungo.

Omumbisofi, L. Auala, a tumbula mepopitho Iye nkene aatungi naatungithi, aagandji yiimaliwa yetungo naayakuli mboka taa ka yakula mongulu ndjika naakuluntu yongerki naakwanegongalo otse atuheni, aatumwa ya tumwa kOmuwa gwongerki, opo tu kale oonzapo dhe (Joh.17:18).

Omukuluntutumwa A. Eirola a dhimbulutha oohapu dhesiku tuu ndyoka tadhi popi etungo: "Ano ngashingeyi one kamu shi we oondjendi naakwiilongo, aawe, one mwa ningi aakwawo yaayapuki naanegumbo ya Kalunga, mwa tungilwa momukanka gwaayapostoli nogwaapofeti, moka mwa kala Jesus Kristus emanya Iyekuvu, mu ngoka etungo alihe tali kwatathana kumwe etali koko, tali ningi ontempeli ondjapuki mOmuwa; nomu ye nane wo tamu tungwa, mu ninge egumbo Iya Kalunga mOmbepo" (Ef.2:17-22).

Omuwiliki gwetungo V. Voutilainen a fatulula omukanka gwetungo nkene gu nokutulwa muule, opo ongulu ayihe yi kole nokukolelela. Nosho ngaa-ka omuntu e nokutungila okukalamwenyo kwe momukanka gwa kola, opo a kale omuntu gwa Kalunga.

Aakadhona yoshipangelo sho ya imbi ehambelondjimbo omutungi gumwe a hulitha okatuthipandulo nokupandula Omwene gwongerki.

Ongula otwa pendulwa kokate-nda tu ye kowandaha. Konima yowandaha otwa vakula oimbale yetu nokuya mepya. Otwa shakena ko novatumwa vatano va dja kOkavango, pamwe noukadona vatatu vomEnongelo lovyakulyongalo. Efiku olo twa teya nenghono, osheshi otwa kutuka lwo-ponhihamano yonguloshi.

Ongula yetihamano konima yowandaha twa kufa vali oimbale yetu tu ye mepya. Twa teya po ngoo fiyo opokati komutenya notwa dimbuka tu ke lilongekidile vali ondjila.

Komatango otwa lekelafana novanhu vomEkoka notwa kanangala kuKongo. Twa hafela eehungi twe di ningilwa mEkoka tadi tu hokololele kutya: Ove nehalo okulumbakana. Unene tuu eshi paife va hala okuuda ko kutya: Oilonga ei tai longwa mokati kavo oyavo vene.

Hatu pandula eyakulo lopalutu twe li mona mEkoka nomuKongo yo.

Omolwa shike mbela ovatumwa ava va li ve nokulimangulula koilonga yavo ihapu noidjuu oku ka teya kwinya? Eshi otashi tu ulikile ashike kutya, aische ei oya ningwa molwohole yokuhola oshilonga shetumo.

Ongula yoshondaha twa lekelafana nookaume muKristus muKongo okushuna kOndonga. Twa ninga vali elongelokalunga momiti dopOhamwiimbi. O, ovanhu ova li va ongala nawa. Okudja opo Oniipa otai nyikane. Nande omalutu a loloka, eemwenyo di yadi ehafo eshi twa monafana nookaume meitavelo tava kala mou-shilo wOwambo.

Anna-Katri Ndevaetela

### "INA MU SHI EFA!"

Onye ovamwameme ovaholike ovamati vomehalakano mu li moilonga mOkahandja, Kalunga ne mu nangeke noupuna unene. Oiyandjiwa yeni yonghenda mwe i tumina moshilonga shovakwanghala muKongo, onde i pewa nonde i pa omuwiliki woshilonga shetumo omushamane E. Hynonen eti-11.5.66. Iyaloo unene oimaliwa mwe i tuma notwe i mona oyo R 10.00. Oya fikifwa nawa komufitaongalo Levi Gerson Max Immanuel.

Oshilonga osho mwa longa oshinene unene, ota shi mu imikile oyimati iwa i nepuniko. Kundileni po omumwameme Ev. Markus Hamushila unene. Paulus Andreas.







## NGE TO TUMU EFANO, LIPULA TETE

Ngenge otu nokutuma omafano etu a ka nyanyangidwe moshifo shonhumba pamwe neendjovo dange, tete tu lipuleni nawa. Tu nokulipula, osho nda shanga oshi li tuu mondjila? Ovo tava ka lesa oshinyolwa shange otava tungwa tuu kusho, ile otava sheke



Mateus Shatipamba.

## OSHITYA UUTYOTYI OTASHI TI NGIINI?

Oshitya shika uutyotyti osho omukithi omudhigu guulunde inaagu dhimbululwa. Uutyotyti owo ekota lyuulunde lya mena momutondi, oshoka otau eta esimano ewinayi.

Ndhindhilika ano kutya: Onkolwe oyo otyotyti, omuhondeli na ye otyotyti. Omudhipagi, otyotyti nomufuthi otyotyti. Omuntu kehe ta longo iilonga ayihe ya pingathana nehala lya Kalunga, oye otyotyti. Otyotyti itayi thigulula oshilonga sha Kalunga.

Na ninge ano ngiini? Otyotyti ngele ti itedhulula, ta hempulula oondjo dhe ye ete dhi etha, ta lunduluka shili, nena ota taambwa ku Kalunga ongomumati ngwiya a kanene.

Mirjam A. Kandume na Leena Sh. Amunyoko, Elim, otaa ti: Sho twa kala moskola otwa mono uudhigu womakonakono giilongwa. Ngoka ino ilonga nawa ito piti mo, oto ndopa.

Shika osho oshiholelwa oshiwana. Ando Omuwa gwetu Jesus e tu ile, ekonakono olini tatu ka kala nalyo? Manga pe na ethimbo, tu ilongeni tu ka pite mekonakono enene, Omuwa una ta ka pangula oonzi miikombo. Tu ipuleni wo, otatu ka pita mo nenge aawe? Tu ilongeni neulumo, oshoka ekonakono pamwe otali ya ongula.

ashike? Ame mwene ondi li ngahelipi na osho nda nyola? Ohandi pangelwa tuu koukriste nokomhepo ya Kalunga?

Tu lipuleni tete kutya, onda shanga pamwe nda handuka ile onda shanga tuu nawa? Ohandi pula omapulo a wapala ile ohandi pula omapulo taa tamaneke oshilonga sha Kalunga? Ohandi popi tuu oshili, ile eendjovo dange ohandi di vaeke ashike omaadi? Moshinyolwa shange omu na sha tuu tashi hokiwa? Ile pamwe onda laulika ashike ombapila noshinyolwa shange ta shi ka ekelwashi shaashi inamu monika onduge?

Ou ta nyola sha, ye mwene ne li ufe paendjovo odo yo. Ndi ha kufe mukwetu oshimbodi, wo omuti ou li meisho lange. Okwa nyolwa: "Litaleni nawa nghene ta mu ende." Tu lipule yo kutya, onda dalululwa tuu ile natango? Ohandi dulika tuu ile ahowe. Nge ndi li mOushimba ondi li mo tuu nomikalo? Ile onda pwila mo?

Ngenge hatu tumu omafano, naa kale a yela nawanawa. Oo inaa yela nawa itaa tambulwa. Tu kaleni yo twa yela meni letu, ha komafano ashike.

## OMUNAFIKOLA LIKELELA OIKOLWIFA

Otu na okudimbulukwa tete kutya, efina lofikola olo eduliko. Onde shi eta ngaha: Omolu ovanafikola vawwe ve lininga eengholwe. Moukolwe omo mu na odino oyo yokudina ovalongi voye ile ovakulunhu voye.

Oshili ohandi kulombwele hai ti: Omunafikola ngenge wa hala u kale u na omwenyo wayela, lidilika okunwa, lidilika yo eendjovo dii na keshe tuu sha puka.

Omunafikola ota pumbwa okukala nomwenyo wayela, opo a yandje efano liwa. Kaume oto dulu tuu okupukulula ou a puka ngenge ove mwene owa puka?

Ondi shi shi kutya, hamunhu keshe to pukulula ndele te ku udu. Tate Kalunga oye e tu pa ovapukululi unene meefikola. Omo hatu likola ounongo neendunge omayele nomikalo diwa dokunyamukula ovakulunhu.

Onawa unene ngenge fyeni ovanafikola hatu kala kokule noikolwifa. Ovanafikola, tu likeleleni hano oudio oo.

Wilhelm Kanhalelo.

## EMBO LIWA OLA HOLOKA, OLO

"OUSHITWE WOINAMWENYO MOWAMBO"



Mostora yomambo mOniipa o- "Ombome" nghe wa dalwa, endeleda mwa holoka vali embo kuhe na vali. oku li landa. Otali kosho 20c. Katu Edina lalo "OUSHITWE WOINAMWENYO MOWAMBO". Oli na o- mapandja 42 nde oli na yo nee omafano mahapu mawa unene. Olo lote te liwa la holoka molupe olo. Omunyoli oLeonard M. Shemuvalula. Konyala keshe oshinamwenyo shomOwambo omo sha popiwa nde sha fanekwa. Omafano a fanekwa ku Josef Auala. Ngenge ino mona "Shishi" ile

FINNISH MISSION PRESS  
ONIIPA OVAMBOLAND